

古今釋疑

古今釋疑卷之九目錄

安成

楊霖竹菴訂正

吳雲舫翁參訂

嗣君卽位

諭年改元

短喪

居喪朝服

母喪

中月而禪

祖免

謚法

惡謚

增謚

后夫人謚

太子無謚

古今釋疑卷之九

合山方中

嗣君卽位

勛齋黃氏曰。古者天子崩。太子卽位。其別有四。始死。則正嗣子之位。顧命所謂逆子釗于南門之外。延入翼室是也。旣殯。則正繼體之位。顧命所謂王麻冕黼裳入卽位是也。踰年正改元之位。春秋所書公卽位是也。三年正踐祚之位。舜格於文祖。及伊尹以冕服

奉太甲歸于亳是也。履按春秋文公九年。書毛伯來求金。公羊傳曰。毛伯者何。天子之大夫也。何以不稱使。當喪未君也。踰年矣。何以謂之未君。卽位矣而未稱王也。以諸侯之踰年卽位。亦知天子之踰年卽位也。以天子三年然後稱王。亦知諸侯於其封內。三年稱子也。曲禮曰。天子未除喪。曰予小子。白虎通曰。父沒稱子某。屈於尸柩也。旣葬稱子者。卽尊之漸也。踰年稱公者。緣臣民之心。不可一日無君。緣始終之義。

一年不二君。故踰年卽位。係臣民之心也。通考曰。漢以來。遵短喪之制。廢諒闇之說。以日易月。則踰年三年卽位之禮。不復聞。大槩於衰經之中。行嗣服之吉禮矣。然漢高祖以四月甲辰崩。五月丙寅葬。其日惠帝卽位。則在崩後二十三日。文帝以六月己亥崩。乙巳葬。景帝以丁未卽位。則在崩後七日。葬後三日。蓋西都人主。皆預爲陵寢。故升遐之後。不復循古者七月之制。蓋有自崩至葬。不及旬日者。是以嗣君卽位。

多在既葬之後。至東漢則葬期漸遲。於是始制令以大行柩前卽位。而歷代遵之。蓋猶在既殯之後也。至後魏宣武帝方崩。而太子不俟明卽位。毋乃太促乎。且當時魏傳世既久。時屬承平。有何急迫之虞。而於親肉未寒之時。不待旦而襲其位乎。孝文賢主。力追古道。以行親喪。肅宗幼冲。輔臣無識。不能導之以率乃祖攸行。而有此過舉。魏德告終。有由矣。

## 踰年改元

古者天子嗣立。必踰年然後卽位改元。後世卽位。多在大行柩前。惟改元猶待踰年。所以踰年者。公羊傳云。一年不二君也。按萬曆四十八年八月朔。光廟卽位。詔以明年爲泰昌元年。未一月崩。熹廟卽位。復詔以明年爲天啓元年。是一年二君矣。孫公承宗曰。大行皇帝。一月堯舜。何忍奪其年。給事魏應嘉曰。新君歲餘。而仍舊號。不吉。公曰。豈有人子居喪以變。而以



從親號為不吉者。自古易姓受命。則當年改元。一姓  
相繼。則當年改元。唐順宗八月內禪。即令改元。憲宗  
仍稱永貞。宋太宗即位改元。史以為疑。其後從臺省  
之議。履見楊惟休著秦昌日錄曰。書秦昌元年。何也。  
方大行御極。詔以明年為秦昌元年。及嗣皇踵祚。詔  
復以明年為天啓元年。夫執踰年之說。則秦昌之易  
號。宜後而執正始之義。則天啓之稱年。何居。議者不  
格。詔旨相格。遂欲虛明年秦昌之詔。以其年附萬曆。

而萬曆之後。直接天啓。是替泰昌也。替泰昌。無論難  
乎爲天啓。卽泰昌一月之仁。超軼百代。而不得以年  
稱。或亦非皇祖意。禮寤則變。斷自八月朔以下。爲泰  
昌紀年。是也。故部議以臺臣左公光斗議爲定。年號  
何爲而議也。曰。爲泰昌也。泰昌之年號。何爲而議也。  
曰。泰昌之崩而存之。非爲泰昌之生而改之也。何爲  
其改與存也。曰。生而急欲尊大之。之爲改。崩而不忍  
刺削之。之爲存也。故今日之議。兩言決之。曰。天啓之

議泰昌。非泰昌之議萬曆也。泰昌之議萬曆。則不宜改。而天啓之議泰昌。則當存也。若使泰昌晏駕。稍待半歲。又使泰昌之詔未宣。而泰昌之曆已頒。可以無今日之議。惟詔已頒矣。曆未改矣。天啓之明年已定。于是乎追思先帝之懿美。不得不曲全先帝之年號。而紛紜之議。直欲削之。不知其解矣。天下事情與理而已。泰昌雖一日。亦君也。今一月。而萬曆四十八年之美厚其終。天啓億萬年之祥開其始。將不稱宗乎。

不祔廟乎。稱宗祔廟。有廟號而無年乎。泰昌之于萬曆。猶天啓之于泰昌也。泰昌不忍其親而削之。是陷皇上于不孝也。卽不忍于祖而忍于父。猶之不孝也。急欲全泰昌之孝。而不思所以全皇上之孝。是議者之過也。何也。泰昌之改元。以明年。下曰億萬年。行有待耳。今已矣。復何待哉。生爲一世之君。沒不得享一日之號。卽旣不能得之于父。俯又不得于子。泰昌在天之靈必不安。奪子之不足以增己之有餘。萬曆在

天之靈亦必不安。皇祖考之靈不安。而謂皇上安之乎。載考綱目。唐睿宗太極元年下。分註玄宗皇帝先天元年。唐德宗貞元二十一年。分註順宗皇帝永貞元年。至晉武帝崩於四月。不書太熙。直大書孝惠皇帝永熙元年。而資治通鑑于玄宗。直書先天元年。註是年八月改元永貞。晉永熙之書。亦如綱目。由此觀之。晉唐三君。皆當年改元。一四月。兩八月。不必正月而後。

改元明矣。唐之玄宗則以太上見在而改。在者如此。况崩者乎。夫千古禮法史法之宗。無如朱紫陽司馬溫公。今之高論。度不能加兩公上。如溫公議。則獨存泰昌。如紫陽議。存萬曆。並存泰昌。兩書具在。可無煩聚訟爲矣。嗟乎。自古踰年不改元之非。甚于不踰年改元之非。今已成先帝不忍改元之是。而又不貽皇上踰年不改元之非。定以先帝御極之辰。追書之曰泰昌元年八月朔。卽皇帝位。盡歲止。而哉生以前。仍

爲萬曆四十八年云。

## 短喪

三年之喪。自天子達于庶人。此先王禮經。百世不易者也。漢文帝遺詔曰。令天下吏民。令到出臨三日。皆釋服。無禁取婦嫁女。祠祀飲酒食肉。自當給喪事。服臨者。皆無踐經帶。無過三寸以下。服大紅十五日。小紅十四日。纖七日。釋服。應劭曰。凡三十六日而釋服矣。此以日易月也。顏師古曰。此喪制者。文帝自率已意創而爲之。非有取於周禮也。何爲以日易月乎。三



年之喪。其實二十七月。豈有三十六月之文。劉公非曰。文帝制此喪服。斬自己葬之後。其未葬之前。服斬衰。漢諸帝自崩至葬。有百餘日者。未葬則服不除矣。按翟方進傳。後母終。既葬。三十六日起視事。以身備漢相。不敢踰國家之制。此其證也。說者遂以日易月。又不通既葬之日。皆大謬也。攷之文帝意。既葬除重服。制大紅小紅。所以漸卽吉耳。胡致堂曰。文帝減節喪紀。負萬世譏責。以小仁害大仁。固有罪矣。然遺詔

所諭者謂吏民耳。太子嗣君。豈吏民歟。而景帝冒用此文。乃自短三年之制。是不爲君父服斬衰。自景帝始也。且天子之所以不遂服三年者。何爲哉。謂妨政事耶。謂費財用耶。謂妨攝政之人耶。謂妨政事。孰先於國家之大憂也。謂費財用。卽不得不可以爲悅。財用固所以行禮也。謂妨攝政之人。則自堯舜至周末。未聞有攝政之人。而奪喪君之國者。至於爲臣民嫁娶祠祀之故。則用輕廢重。尤爲不檢。揆之以理。稽之

以事無一而可。不法堯舜三代。乃安然以刻薄之景  
帝爲師。而無所戒懼。特謂位尊勢隆。得以自便。是不  
知理義之爲大也。寥寥千載。能斷然行三年者。惟晉  
武帝。魏孝文。周高祖。可謂難得矣。然春秋之義。責備  
賢者。晉武旣爲裴秀杜預所惑。行禮不備。魏孝文之  
禮若備矣。而其終也。不能三年。於是期而祥。改月而  
禫。是用古者父在爲母之服。不中節矣。周高祖衰麻  
苦塊。卒三年之制。最爲賢行。然推明通喪。止於五服。

之內。不及羣臣。非所以教天下著于君臣之義也。馬  
賁與曰。按後之儒者。皆以爲短喪。自孝文遺詔始。以  
爲濫議。然愚攷之。三年之喪。自春秋戰國以來。未有  
能行者矣。子張問曰。書云。高宗諒闇。三年不言。何謂  
也。子曰。何必高宗。古之人皆然。蓋時君未有行三年  
喪者。故子張疑而問之。而夫子答以古禮皆然。蓋亦  
嘆今人之不能行也。滕文公問喪禮於孟子。欲行三  
年之喪。父兄百官皆不欲。曰。吾宗國魯先君莫之行。

吾先君亦莫之行也。魯最爲秉禮之國。尚不能行此。則他國可知。漢初禮文。大率皆承秦舊。秦無禮義者也。其喪禮固無可考。然杜預言秦燔書籍。率意而行。亢上抑下。漢祖草創。因而不革。乃至率天下皆終重服。旦夕哀臨。經罹寒暑。禁塞嫁娶。飲酒食肉。制不稱情。是以孝文遺詔。歛畢便葬。葬畢制紅禪之文。以是觀之。則孝文之意。大槩欲革秦之苛法耳。蓋古人所謂方喪三年。所謂爲天王斬衰者。亦以資於事父以

與五年。徽宗崩。金安節等言。自五月二十二日至六月十七日。大祥後。所有衰服。請權留以待梓宮之還。及讀胡邵州之疏。三年之喪。又何嘗行於宮中乎。

## 居喪朝服

東坡書傳曰。按顧命成王崩。未葬。君臣皆冕服。禮歟。曰。非禮也。謂之變禮可乎。曰。不可。禮變於不得已。嫂非溺。終不援也。三年之喪。旣成服。釋之而卽吉。無時而可者。曰。成王顧命。不可以不傳。旣傳。不可以喪服受也。曰。何爲其不可也。孔子曰。將冠。子未及期日。而有齊衰大功之喪。則因喪服而冠。冠。吉禮也。猶可以喪服行之。受顧命。見諸侯。獨不可以喪服乎。太保使

太史奉冊授王于次。諸侯入哭於路寢而見王於次。王喪服受教戒諫。哭踊答拜。聖人復起不易斯言矣。春秋傳曰。鄭子皮如晉。薨。晉平公將以幣行。子產曰。喪安用幣。子皮固請以行。既葬。諸侯之大夫欲因見新君。叔向辭之曰。大夫之事畢矣。而又命孤。孤斬焉。在衰經之中。其以嘉服見。則喪禮未畢。其以喪服見。是重受弔也。大夫將若之何。皆無辭以退。今康王既以嘉服見諸侯。而又受乘黃玉帛之幣。使周公在必。



不爲此。然則孔子何取此書也。曰。至矣。其父子君臣之間。敎戒浚切著明。足以爲後世法。孔子何爲不取哉。然其失禮。則不可不辯。朱子語錄。或問居喪朝服。曰。麻冕乃是祭服。顧命用之者。以其以後繼統事于宗廟故也。受冊用之者。以其在廟而凶服不可入故也。舊說以廟門爲殯宮之門。不知是否。若朝服。則古者人君諒陰三年。自無變服視朝之禮。第不知百官總已以聽冢宰。冢宰百官各以何服蒞事耳。想不至使用玄冠黑帶也。

後世既無亮陰總已之事。人主不免視朝聽政。則豈可不酌其輕重而爲之權制乎。又況古者天子皮弁素積。以日視朝。衣冠皆白。不以爲嫌。則今在喪而白布衣冠以臨朝。恐未爲不可。但入太廟。則須吉服而小變耳。又或問康王釋喪服而被冕裳。且受黃朱圭幣之獻。諸家以爲禮之變。獨蘓氏以爲禮之失。何也。對曰。天子諸侯之禮。與士庶人不同。故孟子有吾未之學之語。蓋謂此類耳。如伊訓元祀十有二月朔。亦

是新喪。伊尹已奉嗣王。祇見厥祖。固不可用凶服矣。

## 毋喪

儀禮曰。疏衰三年者。父卒則爲毋。疏衰期者。父在爲毋。子夏傳曰。何以期也。屈也。至尊在。不敢伸其私尊也。父必三年然後娶。達子之志也。唐開元禮。父在爲毋。加服齊衰三年。宋儒家禮。亦曰齊衰三年。子爲毋。庶子爲其母。洪武七年。御製孝慈錄序曰。喪禮之說。聞周朝已備。至秦火乃亡。漢儒采諸說以成書。號曰爲禮儀禮。武云新書而未行。歷代儒臣。徃徃以爲定

式以佐人主。若識時務者。則采可行而行之。其有俗士。執古以匡君。君不明。斷是以妨務而害理。中道廢焉。朕觀其所以於事甚繁。洪武七年秋九月。貴妃薨。勅禮官以定議。詔翰林稽諸古典。三日而後來奏。人各以周禮儀禮。以爲定式。所云父在爲母服期年。若庶母則無服。又引子游問孔子魯昭公之服有二。以孔子不許爲必然。朕思之再三。迂儒俗士。果不識時務。孰不知孔子之說。有大義存焉。宰子問期年之喪。

可服。孔子以爲不仁。與昭公之事。何異乎。不然。當是時。諸侯不有天王而自專。孔子務以三綱五常教不善。昭公諸侯也。其喪禮久出天王。問孔子欲更其禮可乎。在孔子必不教人不忠。所以不言期之非。及宰子閒居之論。孔子却謂其非。可見母之期服。不近人情焉。今之迂儒。止知其一。不知其二。是古非今。昭然矣。且禮出於天。子上行下效焉。今天子皇子母服期。庶母則無服五服之外。則不服。若以其說爲必然。則

堯之德靡矣。堯乃親九族。而平章百姓。豈獨五服之外者歟。於是命諸儒遍考諸書以報。又數日來奏。古今論喪服者。凡四十有二人。願服期年者十四人。願服三年者二十八人。比服期年者增倍。由是觀之。三年之喪。豈不合人情者乎。夫父母之恩。一也。父服三年。父在爲母則期年。豈非低昂太甚乎。其於人情何如也。每聞漢唐有忌議喪事者。在朕則不然。禮樂制度。出自天子。於是立爲定制。子爲父母。庶子爲其母。

皆斬衰三年。嫡子衆子。爲庶母。皆齊衰杖期。使內外

有所遵守。履伏讀孝慈錄。按他服皆有所升降。如長

子爲繼母。爲慈母。

朱文公家禮。皆義服。齊衰三年。今制斬衰三年。

爲養母。

正服。

齊衰三年。今制斬衰三年。

嫡孫父卒。爲祖母。若高曾祖母承重者。

加服齊衰三年。今制斬衰三年。

女在室。及嫁反在室者。爲母。

家禮無。今制斬。

衰三年。

婦爲姑。

義服齊衰三年。今制斬衰三年。

夫承重。則從服。

今制斬。

庶子之妻。爲夫之所生母。

家禮無。今制斬衰三年。

嫡子

衆子。爲嫁母出母。

杖期。今制齊衰杖期。

嫡子衆子之妻。爲夫之



庶母。家禮無。今制父為嫡長子。加服斬衰三年。今制齊衰不杖期。母

為嫡長子。加服齊衰三年。今制不杖期。慈母為長子。及衆子。家禮無。今

制不杖期。妾為夫之長子。及所生母。齊衰三年。今制不杖期。繼母為

長子。及衆子。為長子報服齊衰三年。為衆子乃服不杖期。今制俱不杖期。輕重莫

不合宜。固不獨母服庶母服。為萬世可行之法。家禮長子

為庶母義服總麻。但大明令集禮皆與孝慈錄有不同。而丘

文莊家禮儀節。遵孝慈錄是也。嫡子衆子為庶母服。孝慈錄曰杖期。而大

明令集禮。猶曰總。原子曰。妾為夫之嫡子。為祖後者。齊衰三年。為衆子期。而子乃報之總。不已為薄乎。且

庶母之子爲己之昆弟則相爲期服今也於其母則  
總于其子則期子母之間輕重頓殊求之禮情淺非  
至理故子之服庶母當以孝慈錄爲準又大明令載  
妾子爲其母期註云謂嫡母在室者原子曰婦人雖  
貴無厭降之義此小註之誤也若集禮所載之條則  
無此註履按孝慈錄已定父在爲母庶子爲其母皆  
斬衰三年矣母且不厭于父况厭于嫡母乎○貴妃  
者成穆貴妃孫氏無子卒上緣人情定議命東宮親  
王持服一期

見朱文憲集

中月而禫

通典曰祥禫之義按儀禮云中月



禫成以中

月爲間月王肅以中月爲月中致使喪期不同制度  
非一歷代學黨議論紛紜宗鄭者則云祥之日鼓素  
琴孔子彈琴笙歌乃省哀之樂非正樂也正樂者入  
音並奏使工爲之者也按鄭學之徒不云二十五月  
六月七月之中無存省之樂也但論非是禫後復吉  
所作正樂耳故鄭注喪服四制祥之日鼓素琴云耳

以存樂也。君子三年不爲樂，樂必崩；三年不爲禮，禮必壞。故祥日而存之，非有心取適而作樂。三年之喪，君子居之，若駒之過隙，故雖以存省之時，猶不能成樂。是以孔子旣祥五日，彈琴而不成聲。禮記所云：二十五月而畢者，論喪之大事畢也。謂除衰經與聖室耳。餘哀未盡，故服素縗麻衣者，未吉之服。伯叔無禫，十三月而除。爲母妻有禫，則十五月而畢。爲君無禫，二十五月而畢。爲父長子有禫，二十七月而畢。明所

云喪以周斷者。禫不在周中也。禮記二十五月畢者。則禫不在祥月。此特爲重喪。加之以禫。非論其正祥除之義也。三年之喪。二十五月而畢者。論其正。二十七月而禫者。明其加。宗王者。按禮記三年之喪。再周。二十五月而畢。檀弓云。祥而縞。是月禫。徙月樂。又魯人有朝祥而暮歌者。子路笑之。夫子曰。踰月則其善也。又夫子既祥。五日彈琴而不成聲。十日而成笙歌。又祥之日。鼓素琴。以此證無二十七月之禫也。按王

學之徒。難曰。若二十五月大祥。二十七月而禫。二十  
八月作樂。則二十五月二十六月二十七月三月之  
中。不得作樂者。何得禮記云。祥之日。鼓素琴。孔子既  
祥五日。彈琴。十日笙歌。又喪大記云。禫而內無哭者。  
樂作矣。故也。孟獻子禫懸而不樂。此皆禫月有樂之  
義。豈合二十八月然後始樂乎。鄭學之徒。嫌祥禫同  
月。用遠日。無中月之義者。祥禫之祭。雖用遠日。若卜  
遠日不吉。則卜近日。若卜近得吉。便有中月之義也。

所以知卜遠不得吉。得用近日者。以吉祭之時。卜近不得吉。得卜遠日。故禮記云。旬之內曰近某日。旬之外曰遠某日。特牲饋食云。近日不吉。則筮遠日。若吉事得用遠。則凶事得用近。故有中月之義也。禮記作樂之文。或在禪月。或在異月者。正以祥禪之祭。或在月中。或在月末故也。容事先遠日不吉。則卜月初。禪在月中。則得作樂。此喪大記禪而內無哭者。樂作矣。故獻子禪懸而不樂之類皆是也。祥之日。鼓琴者。特

是存樂之義。非禫後之樂也。夫人倫之道。以德爲本。至德以孝爲先。上古喪期無數。其仁人則終身滅性。其衆庶朝喪暮廢者。則禽獸之不若。中代聖人。緣中人之情。爲作制節。使過者俯而就之。不及者跂而及之。至重者斬衰。以周斲。后代君子居喪。以周。若駒之過隙。而加崇。以再周焉。禮記云。再周之喪。二十五月而畢。至於祥禫之節。焚襲之餘。其文不備。先儒所議。互有短長。遂使歷代習禮之家。翻爲聚訟。各執所見。



四海不同。此皆不本禮情而求其理故也。夫喪本至重以周斷。後代崇加以再周。豈非君子欲重其情而彰孝道者也。何乃惜一月之禫而不加之以膠柱於二十五月者哉。或云孝子有終身之憂。何須過聖人之制者。二十七月之制行尚矣。遵鄭者乃過禮而重情。遵王者則輕情而反制。斯乃孰爲孝乎。且練祥禫之制者本於衰情不可頓去而漸殺也。故間傳云再周而禫。大祥素縗麻衣。中月而禫。禫而纖。黑經白緯曰纖。無

所不佩。中猶間也。謂大祥祭後。間一月而禫也。據文勢足知除服後一月。服大祥服。後一月服禫服。今約經傳。求其適中。可二十五月終而大祥。變以祥服。素縞麻衣。二十六月終而禫。變以禫服。二十七月終而吉。吉而除。徙月樂。無所不佩。夫如此。求其情而合乎禮矣。履按唐書王元感嘗著論三年之喪。以三十有六月。張東之破其說曰。三年之喪。二十五月。由古則然。春秋僖公三十三年十二月乙巳公薨。文公二年

冬。公子遂如齊納幣。左氏曰。禮也。杜預謂僖喪終是年十一月。納幣在十二月。故謂之禮。公羊傳。納幣不書。此何以書。譏。何以譏。三年之內不圖婚。何休曰。僖以十二月薨。未終二十五月。故譏云。杜預推曆乙巳。乃在十一月。經書十二月爲誤。文公元年四月葬僖。公傳曰。緩夫。諸侯之葬五月。若十二月薨。五月不得云。緩則十一月明甚。然二家所競。乃一月非一歲。則二十五月。其一驗也。書稱成湯既沒。太甲元年曰。惟

元祀十有二月。伊尹祀于先王。奉嗣王祇見厥祖。孔安國曰。湯以元年十一月崩。此則明年祥。又明年大祥。故下言惟三祀十有二月朔。尹以冕服奉嗣王歸于亳。是十一月服除而見。顧命四月哉生魄。王不懌。翌日乙丑。王崩。丁卯。命作冊。度越七日癸酉。伯相命士須材。則成王崩。至康王麻冕黼裳。凡十日。康王始見廟。明湯崩在十一月。比殯訖。以十二月祇見其祖。顧命見廟訖。諸侯出廟門。俟伊訓言祇見厥祖。侯甸

羣后咸在。則崩。及見廟。周因於殷也。非元年前。復有一歲。此二十五月之二驗。禮三年之喪。二十五月而畢。哀痛未盡。然而以是爲斷者。送歿有已。服生有節。又曰。期而小祥。食菜果。又期而大祥。有醯醬。中月而禫。食酒肉。又曰。再期之喪三年。期之喪二年。九月七月之喪三時。五月之喪二時。三月之喪一時。此二十五月之三驗。儀禮期而小祥。又期而大祥。中月而禫。是月也吉祭。此二十五月之四驗。書春秋禮。皆周公

尼父所定。敢問此可爲法否。昔鄭立以中月而禫者。內容一月。自喪至禫。凡二十七月。今旣用之。而二十五月。初無疑論。大抵子於親喪。有終身之痛。創巨者。日久。痛淡者愈遲。何歲月而止乎。故練而慨然。悲慕未盡。而踴躡之情。差未祥。而廓然哀傷已除。而孤藐之懷更劇。此情之所致。寧外飾哉。故先王立其中制。使情文兩稱。是以祥則縞帶素紕。禫則無不佩。夫去衰麻。襲錦黻。行道之人皆不忍。直爲節之以禮。臣如

之何。故仲由不能過制爲婢服。孔鯉不能過期哭。母  
彼詎不懷畏名教之嚴也。當時謂束之言不詭聖人。  
而元感論遂廢。履問之老父曰。禫除服之名也。按諸  
家禮。旣祥。則遷主於廟。二十有七月而禫。禫則祭。皆  
本諸鄭氏。謂中猶間也。與大祥間一月其祭玄冠朝  
服。旣祭。纓冠素端黃裳。終月而除之。夫禮三年而後  
塋者。必再祭。再祭謂練祥也。期而練。禮也。過期而猶  
不廢。使禫而果有祭。則三年而禫反可廢乎。鄭氏乃

謂練祥而不禫。何也。禮始虞曰哀薦殯事。再虞曰虞事。卒哭曰成事。期而小祥。曰薦此常事。又期而大祥。曰薦此祥事。中月而禫。獨無辭。何也。凡喪非虞祔練祥。無沐浴練祥之祭。其他禮儀之變。散見乎禮經。而獨無一辭及于禫。何也。禫而飲酒從御作樂。無所不佩。皆復其常矣。而獨纓冠素端。何也。且纓冠素端。與夫織之爲黑經白緯。皆於經無考。鄭氏之鑒說也。由此論之。禫非祭名也。既祥則除矣。孝子猶素縞麻衣。



而後禫其變也。馴矣而又何覆冠之有。蓋三年之喪。既虞視齊衰。既練視大功。既祥則麻衣。輕于緦矣。不言禫何時除。是禫卽除之名也。曰是月禫。王肅之說是也。

## 袒免

禮有袒免。鄭氏曰。免音問。其制以布廣一尺。從頂中而前交於額上。又卻向後。繞于髻也。後世相沿。稱五服爲袒免。唐有議袒免禮。宋有詔宗族袒免之後。不復推恩。袒免之內。以試出仕。程泰之曰。記四世而總服之窮也。五世袒免。殺同姓也。服之旁殺。而至於總。僅爲三月。則自此之外。不更有服矣。然而由四殺五。不可頓如路人。故屬及五世。而族人。有喪。則脫露半。

袖見其內服。是之謂袒。解除吉冠。是之謂免。免之爲言。正是免冠之免。不應別立一冠。名之爲免。而讀之如問也。曲禮曰。冠無免。勞無袒。免且袒。皆變易其常。故侍君子者。以爲不恭。而無服者之屬。用以致哀。示與路人異也。經於總有三月。而袒免無期日也。旣無服。又無服日。第行之始。歿之時。其斯以爲戚矣。歷攷禮經。本文止言袒免。更無一語。記其如何爲免。則是小功以上。衰絰冠杖。實有其制。而袒免則元無冠服。

故亦莫得而記也。周禮垂哀冠之式於門。謂總小功以上。亦無袒免體式也。使誠有制。如鄭氏所言。則亦不成其爲冠也。况袒旣不別爲之。衰又對冕而言。知當未歛之時。第使之袒衣免冠者。事情之稱也。自漢以後。莫不師述鄭氏。獨杜佑致疑于此。雖其叙載喪制。卽免加絲。借古冕之冕。著以爲纁。若用鄭矣。而下曰。纁制未聞。惟鄭氏云云。則佑固不以爲安矣。按禮凡因事及免。必與冠對。喪服小記曰。男子冠而婦人

笄。男子免而婦人髻。則免之當正讀爲免明矣。喪而  
免冠。不惟五世無服用之。雖重如斬齊。當其未歛。未  
及成服。亦嘗用之。蓋遭喪之始。未辨成服。姑仍常時  
衣冠。在衣則袒。在冠則免。以爲變常之始。故經紀重  
喪曰。袒括髮變也。慍哀之變也。去飾去美也。袒括髮  
去飾之甚也。賈公彥曰。冠尊不居肉袒上。必免。故踊  
必先袒。袒必先免。斬衰重矣。故免冠而肉袒。且免之  
爲免。不止始喪然也。喪服小記曰。旣葬而不報虞。則

雖主人皆冠。及虞則皆免。又曰。遠葬者比反。哭者皆冠。及郊而後免。又曰。君子雖不當免時也。主人必免。凡此三節。皆以冠對免。而皆以免冠爲禮。取始歿之節以重之也。葬不報虞。葬而未及郊。若過時而有弔者。自非其君。則皆仍所喪之冠。而不爲之免。處之以喪禮之常也。從而推之。知免冠之爲始歿之節也。喪小記又曰。斬衰括髮以麻。爲母。括髮以麻。免而以布。若如鄭言。以免爲免。則居母喪者。旣括髮以麻。而以

布爲免。遂當以免而加諸齊衰之上。則是降斬而齊。遽著五世以外。輕殺無服之冠。豈其理乎。履按程說是也。董彥遠戴合溪郝仲興皆主之。祖祖其衣免。免其冠。今之始喪者。披髮以布裹頭。是其遺也。如此則當音劬。何必更音問。問之音。蓋鄉語耳。

## 謚法

羅泌路史曰。古之法行於今者。惟謚然。二千餘年。而靡有定法。大戴氏曰。昔周公旦太公望。相嗣王以制謚法。周書之說亦然。故今周書有謚法一篇。頗爲簡要。至杜預取而納之釋例。而世遂重出之。謂春秋謚法。蓋不知也。異時有廣謚者。沈約賀琛。皆嘗本之。約又撰著謚例。事頗詳備。而琛之書特少去取。且復強爲君臣婦女之別。亦無取焉。太宗皇帝爰命扈蒙。裁



古今考異  
著新書。然而亦莫究明。蘇洵下是究定古今。斷以書  
傳。刊其重複。以爲法。雖其或從或違。時亦有合聖人  
之意。然其必欲合以堯舜三王五帝之時。則大謬矣。  
夫謚者。原其號者也。其不出於周公之前。予嘗論之。  
彼號近古而好牽合者。無過漢儒。而漢儒亦謂堯舜  
禹湯。不入謚法。則其說可槩見矣。且在周書。初無堯  
舜禹湯桀紂之文。至預而後增之。以湯益無所據。商  
之太宗中宗高宗。本非謚法。特以其一時功烈。推而

崇之耳。乃若甲丙庚壬乙巳丁癸。何由而爲諡哉。若古論諡。爲法最簡。故賈山曰。古聖作諡。不過三四十言。而蔡邕之書。纔四十六。然猶不及世本大戴之所載者。洵乃以二書邕不之見。見則無不載矣。周書之篇。乃周公之法。而春秋之諡出于此。今洵反謂周公者爲最繁襍。而春秋者爲簡而不亂。又謂周書諡法以鄙野不傳。則知二書洵亦未嘗見也。按洵書曰。匹夫之有諡。始東漢之隱者。婦人之有諡。始景王之穆。

后。夫婦人之典。周三后其著者也。而穆王之盛姬。亦有哀淑人之謚。見于穆天子之傳。匹夫之典。夷齊其著者也。而齊之黔婁。已謚曰康。見于高士傳。二者其來久矣。此楊侃爲職林書。謂公主之有謚。自唐之唐安始。乃不知世祖之平陽昭文公主。與齊高帝之女義興憲公主始也。邕之言漢毋無謚。至明帝始建光烈之稱。于是請正和熹之號。而不知元帝之毋許恭哀。高帝之毋媼。已有昭靈之號。又何耶。婦人無外行。

者也。生也。姓配其國。歿也。諡從其夫。明有屬也。秦嬴  
鄧曼陳媯韓媯。以姓配國者也。秦穆姬宋共姬魯文  
嬴。與夫共莊宣之三姜。以諡從夫者也。惟歿先夫。則  
異其諡。景之穆后。桓之文姜。莊之哀姜之類是也。後  
歿而殊諡。抑何典耶。今不知歿。而更請正和熹光烈  
之稱。豈先王之典哉。嗟夫。顏閔至德。不聞有諡。而朱  
暉子穆。輒加父以貞宣。及穆之歿。邕復以文忠被之。  
穆則廢典。邕亦不知禮耶。其貽譏于荀爽。而見諄于

張璠也。宜矣。抑嘗言之。謚者。正先王之所謂名教也。然古之謚爲名教。而後世之謚爲辱典。東漢莎車。以外裔而膺茂典。此何爲耶。然則邕之違禮。豈惟邕之罪哉。德又下衰。其流及于藝術與縉黃矣。名教之失。孰甚于是。顧不謂辱典耶。鄭樵曰。法之爲謚者。取一文耳。非有他說也。謚法行。其說紛紛矣。書見于世者。有周公謚法。有春秋謚法。有廣謚。有今文尚書。有大戴記。有世本。有獨斷。有劉熙之書。有來輿之書。有沈

約之書。有賀琛之書。有王彥威之書。有蘇冕之書。有  
扈蒙之書。有蘇洵之書。其實皆由漢魏以來。儒生取  
古人之書。而釋以已說。集而爲法也。故蘇洵曰。周公  
之法。反取賀琛之新法。載之書。是知世之謚法。名爲  
古者。實非古也。今考周公之書。所用後人之語甚多。  
是皆爲謚法者。展轉相因。言文雜採。無足取也。惟沈  
約之書。博采古今。詮次有紀。然亦無所建明。至蘇氏  
承詔編定六家謚法。乃取周公春秋廣謚。沈約賀琛

扈蒙之書。斷然有所去取。其善惡有一定之論。實前人所未及也。皇也。帝也。王也。公也。侯也。君也。師也。長也。胥也。實尊卑之號。上下之稱。且生有爵。歿有諡。以是爲諡。未之敢聞也。若皇帝可以爲諡。則天子亦可以爲諡矣。若公侯可以爲諡。則卿大夫亦可以爲諡矣。若師長可以爲諡。則父兄亦可以爲諡矣。無義之談。莫此爲甚。經幾百年間。而後蘇子闢之。堯取壘土以命名。舜取穰華以命名。禹取于獸。湯取于水。桀以

喬木紂以繹絲是非已之所更必父兄之所命也。且生有爵。必有諡。以是爲諡。未之前聞也。蘇氏未暇及。臣不敢後焉。凡蘇氏所取一百六十八諡。臣謹條其可用者二百十諡。分爲三類。上諡用于君親。用于君子。下諡用于鐵夷。用于非君子。中諡用於閔傷。用于無後者。只以一文見義。無事乎文之廣。無事乎說之繁。庶乎表裏蘇氏之學。是亦典禮之大者。履按續通考。載昭代諡法。惟六十人。云見於類鈔。恐未詳耳。



惡諡

大戴禮曰。諡者。行之跡也。樂記曰。聞其諡。知其行。司馬遷曰。大行受大名。細行受細名。行生於已。名成於人。五經通義曰。善有善諡。惡有惡諡。曲禮曰。惟天子稱天以誅之。白虎通曰。天子崩。諸侯至南郊諡之。以爲臣子莫不欲褒稱其君。掩惡揚善。故於郊。明不得欺天也。始皇謂歿而以行爲諡。如此。則子議父。臣議君。遂除之。致堂胡氏曰。子議父。臣議君。而非其禮。罪

不容誅矣。考德行之實而稱天以誅之。臣子亦安得而私之哉。然後世謚法雖存。而公道不暢。爲臣子者。往往加美謚於君親。使受所不當得者。取世譏笑。則又不若不謚之爲愈矣。五峯胡氏曰。昔周公作謚法。豈使子議父。臣議君哉。合天下之公。奉君父以天道耳。孝愛不亦深乎。所以訓後世爲君父者。以立身之本也。知本則身立。家齊。國治。天下平。不知本。則縱慾恣暴。惡聞其過。入於滅亡。天下知之而不自知也。不

合天下之公。則爲子議父。臣議君矣。臣子於君父。有不善。所當陳善閉邪。引之當道。若生不能正。旣亾而  
又黨之。是不以天道奉君父。而以人道事君父也。謂  
之忠孝可乎。今夫以筆寫神者。必欲其肖。不肖吾父。  
則非吾父。不肖吾君。則非吾君。奈何以謚而不肖之  
乎。是故不正之謚。忠臣孝子所不忍爲也。鄭夾漈曰。  
天下有難行之道。雖曰古有是道。而後世終不可行  
者。非古有是道也。後之人設是道以實之耳。豈有可

行於古而不可行於今之道乎。若曰臣子可以議君父之得失。使有德則謚善。無德則謚惡。大行受大名。細行受細名。行生於己。名生於人。此真不可行之道也。自非伐無道。誅有罪。收其鯨鯢。以爲京觀。則安得有惡謚之稱乎。臣以爲立謚之意。本爲昭穆。命謚之義。取於尊隆。且生有惡。死無惡者。人之情也。生可簡。死不可簡者。禮之事也。生雖侯伯。死必稱公。生不踰等。死必加等。先王之通制也。豈有稱生之號有隆。而

命歿之名有虧乎。謚亦有惡。惡謚非所以加君父也。子曰。父在觀其志。父沒觀其行。三年無改於父之道。可謂孝矣。不若是。是不當於人心。子議父。臣議君。秦人之論。人之所厭而削之也。今先儒之所謂謚者。秦人之論耳。不合于古道。夫謚法惡謚。莫如桀紂。其次莫如桓靈。其次莫如幽厲。此古今之所聞也。以臣所見。皆不然。桀紂是名耳。非謚也。名者生之所命。而非歿之所加也。當夏之季。當殷之興。則未有謚。桀非謚也。當殷

之季。當周之興。雖有謚法。然得謚爲榮。不得謚爲辱。名之以紂。辱莫大焉。桀之所名者。取於木。猶高柴公孫枝之所取云爾。豈有殘人多殺之名。而可以爲名乎。紂之所名者。取於絲。猶臧紇南宮縚之所取云爾。豈有殘義損善之名。而可以爲名乎。是名也。非已之所更。卽父兄之所命也。安得有是義乎。桓於經典。並無惡義。如公執桓圭。桓乃圭璋之首稱。如桓桓武王。桓乃果毅之盛德。齊之桓公。用能霸業。周之桓王。元

無累行。安得桓爲惡名乎。靈者神聖之異名。周之東也。王綱不振。四方解體。迨乎靈王。周道始昌。諸侯服從。故傳曰。惟有髡王甚神聖。以其生有神聖之德。然則諡之以靈。是名實允當。其曰請爲靈若厲者。荆蠻不根之論也。安得靈爲惡名乎。幽者隱之並名也。周幽王喪於犬戎之禍。魯隱公卒於羽父之難。皆臣子所不忍言。故以幽隱命之。痛惻之甚。豈有壅遏不通之義乎。語曰。子溫而厲。威而不猛。恭而安。厲與安並。

德故於厲言而猛則異於是。故於猛言不厲非惡也。豈有暴虐無親之義乎。厲王過矣。使厲王而有暴虐無親之名。則宣王不得爲孝子。幽王過矣。使幽王而受壅遏不通之責。則晉文侯鄭武公不得爲良臣。成周之法。初無惡諡。諡之有惡者。後人之所立也。由美刺之說行。然後人立惡諡耳。續通考曰。愚謂周公創諡之意。正欲美惡不相掩。使天下後世之爲君臣者。知善則生有顯名。沒又有榮稱。不然。雖忠臣孝子。亦



不得而私之。庶幾以是不傲然肆志乎。豈第取於昭穆與尊隆爲也。夫昭穆何假於謚。謚而又厯取於尊隆。如幽如厲俱爲美謚。則雖秦王亦欣然承之。無用除去矣。夾漈分三等。似亦未合古義。

增謚

尹起莘曰增謚之事。前古未有也。而始於唐人。其謚美無實。不經之甚。然當時臣子。莫敢言之。獨顏真卿抗論其失。而亦不能改。按真卿曰。上元中。政在宮壺。始增祖宗之謚。天寶中。奸臣竊命。有加至十一字者。按周之文武。言文不稱武。言武不稱文。豈聖德所不優乎。蓋稱其至者也。請自中宗以上。皆從初謚。以省文尚質。正名敦本。袁修奏言陵廟玉冊木主。皆已

刊勒不可輕改。事遂寢。范氏曰。堯舜禹湯文武之君。謚號惟一而已。既稱天以誅之。則子孫不可得而改也。高宗不師古昔。始改祖宗舊謚。天寶以後。增加複重。至繁而不可紀。夫祖宗苟有高世之功德。則曰文曰武足矣。若其無功德。而子孫妄加之。則是誣之。而使天下後世以爲譏玩也。故孝子慈孫之欲顯其親。莫若使名副其實而不浮。則天下心服之矣。未聞以謚號繁多爲貴也。唐之典禮。不經甚矣。履按唐高祖。

初謚太武。上元元年。改謚神堯。天寶十三載。增謚大聖大光孝皇帝。太宗初謚文。上元元年。改謚文武聖皇帝。天寶八載。增謚文武大聖大廣孝皇帝。惟增至七字。魯公言十一字。何耶。及宋太祖謚啟運立極英武睿文神德聖功至明大孝皇帝。乃至十六字。王圻曰。國朝謚法。凡皇帝十七字。履按嘉靖十七年。加謚太祖曰。開天行道肇紀立極大聖至神仁文義武峻德成功高皇帝。則二十一字矣。而列宗猶十七字也。

后夫人謚

白虎通云后夫人謚。臣子共於廟定之。或曰。出之於君。然後加之。婦人天夫。故由君而已。婦人本無外事。是故不於郊。五經通義云。婦人以隨從爲義。夫貴於朝。婦貴於室。故得蒙夫之謚。或曰。文王之妃曰文母。宋恭公妻恭姬是也。又曰。夫人無爵。故無謚。或曰。夫人有謚。夫人一國之母。修閨門之內。羣下亦化之。故設謚。章其善惡。公羊曰。葬宋恭姬。稱其謚。賢之也。卿

大夫妻命婦也。無諡者。以賤也。妾無諡。亦以卑賤無所能與。猶士卑小不得諡也。東晉穆帝時。彭城國上言。爲太妃李求諡。太常王彪之。以爲由於婦人無爵。旣從夫爵。則已無實爵。以從爲稱也。以從爲稱。則無諡可知。春秋婦人有諡者。周末禮壞耳。故服虔注聲子之諡。非禮也。杜氏注惠公仲子。亦云非禮。婦人無諡。唐睿宗寶后。初諡曰大昭成。或言法空引聖真冠諡。而曰大昭成。非也。以單言配之。應曰聖昭若睿成。

以複言配之。應曰大聖昭成聖真昭成。又引秦穆皇  
后始謚穆。及高祖崩。合帝謚曰秦穆。追贈秦穆神皇  
后。文德皇后始謚文德。及太宗崩。合謚文德順聖皇  
后。又援范曄著漢光烈等爲比。太常謂曄以帝號標  
后謚。是史家記事體。婦非必與夫同也。入廟稱后繫  
夫。在朝稱太繫子。文母生號也。文王既沒謚也。周公  
豈以婦從夫乎。漢法不可爲據。路史曰。國朝四祖。暨  
太祖太宗六后。俱同廟謚。獨真宗謚章聖。三后曰節

曰惠曰莊。呂公綽以爲非。謂古者婦人無諡。漢晉以  
來。后諡多因于帝。今與諡典不合。乞追正前失。從之。  
此非也。三母遠矣。曾惠公繼室號聲子。聲子諡也。豈  
惟後世哉。丘瓊山曰。自古后無諡。皆從其主之諡。後  
世后有諡。始於光武陰后之諡光烈。然惟用烈之一  
字。所謂光者。仍用帝諡也。其後如明德和熹之類。皆  
然。後世乃用二字四諡也。始去其主之諡。而尚稱焉。  
失婦人從夫之義矣。履按。明制。皇后諡用十三字。而



第十三字。與皇帝之第十七字。則一字也。

## 太子無諡

通典曰。周制士冠禮云。天子之元子。士也。士無諡。是知太子無諡。以未得有所施行。故不得設諡。東晉琅瑯世子朱周而卒。大司農表世子降君一等。宜諡哀愍。太常賀循曰。諡者所以表功行之目也。故古者未居成人之年。及名位未備者。皆不作諡也。是以周靈王太子聰。哲明智。年過成童。以猶無諡。春秋諸侯卽位之年。稱子。踰年稱君。稱君稱子而卒。皆無諡。名未

古今考異  
成也。未成爲君。旣無君諡。時見稱子。復無子諡。明俱  
未得也。惟晉之申生。以仁孝遭命。年過成人。晉人悼  
之。故特爲諡。諸國無例也。及至漢代。雖遵之。義過于  
古禮。然亦未有未踰年之君而立諡也。殤冲二帝。皆  
已踰年。方立諡。按哀冲太孫。各以幼齡立諡。不必依  
古。然皆卽位臨官。正名承重。與諸下定君臣之義。尊  
成體具。事無所屈。且天下之名至重。體具尊者。亦宜  
殊禮。故隨時定制。有立諡之事也。琅邪世子。雖正體

乎上。生而全貴。適可明嫡統之義。未足定爲謚之證也。續文獻通考曰。按羅泌路史。亦謂太子無謚。然幽王次子。則謚攜矣。他如東周之共太子。陳之悼太子之類。又不止一人。則泌所謂太子無謚。殆未之考耳。

古今釋疑卷之九終